

## MAREDUDD ap CYNAN ab OWAIN GWYNEDD (bu farw 1212)

**Enw:** Maredudd ap Cynan ab Owain Gwynedd

**Dyddiad marw:** 1212

**Plentyn:** Llywelyn Fychan

**Plentyn:** Llywelyn Fawr

**Rhiant:** Cynan ab Owain Gwynedd

**Rhyw:** Gwryw

**Maes gweithgaredd:** Milwrol; Gwleidyddiaeth a Mudiadau Gwleidyddol; Teuluoedd Brenhinol a Bonheddig

**Awdur:** Thomas Jones Pierce

O 1173 hyd 1194 yr oedd yn arglwydd Eifionydd a rhan o Ardudwy - ffaith a nodwyd gan [Gerallt Gymro](#) pan aeth trwy'r ardal yn 1188. Derbyniodd Feirionnydd hefyd gan ei frawd Gruffudd (yn 1194, mae'n debyg) pan rannodd hwnnw ffrwyth buddugoliaeth yng Ngwynedd gyda'i gefnder [Llywelyn I](#); yr oedd gyrfa gynnar [Llywelyn](#) yn ddyledus i raddau helaeth i'r cymorth a roes meibion [Cynan](#) iddo. Pan fu Gruffudd farw yn 1200 daeth Maredudd i feddiant o L n, eithr fe'i cymerwyd oddi arno yn 1201 am frad tybiedig yn erbyn [Llywelyn](#). Yn 1202 cymerwyd ei diroedd eraill oddi arno eithr adferwyd Meirionnydd, o leiaf, i'w deulu - [gweler Llywelyn Fawr](#) a [Llywelyn Fychan](#). Yr oedd yn gydsylfaenydd (yn 1198 neu 1199) abaty Sistersaidd Cymer. Canwyd ei farwnad gan [Brydydd y Moch](#).

### Awdur

Yr Athro Thomas Jones Pierce, (1905 - 1964)

### Ffynonellau

J. E. Lloyd, *A History of Wales from the Earliest Times to the Edwardian Conquest* (London 1911), Cyf. I

J. E. Lloyd, *A History of Wales from the Earliest Times to the Edwardian Conquest* (London 1911), Cyf. II

### Darllen Pellach

Erthygl Wikipedia: [Maredudd ap Cynan ab Owain Gwynedd](#)

### Dolenni Ychwanegol

Wikidata: [Q13129943](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

